

xxx

Vnd wirt vns komē als eyn tijtlich regen vnd vnsichtbar der erden. wat werd ich sijn voin effeaym. wat werd ich voin iuda. Vre barmherzicheyt durchgheyt als eyn morgheyn wolck vnd als eyn douwe vnu durch gaen. vmb dat hain ich geschafft in den propheeten vnd hain sy ghedoidt in den worden mijns munds. vnd mijn ghericht werden vysgaen als eyn licht want ich wold die barmherzicheit vñ niet den offer vñ gods kunst vil meer dā dz bernēde offer

Ein ander lectio

In diebus illis Dixit dñs ad moysen et Aaron in terra egypti mensis iste vobis principium etc. Exodi vij.

In den dagen Sprach vnsē heer zo moysen vnd zo aaron in dē land vā egypten. disse maende wirt vch sijn eyn anvang vñ der yfste vnder anderen maende des iars. Sprecht zo al der schair der kind van israhel vñ sate yn vp dē tzyenden dach des maends neme em yd ein lā zo essen durch sijn huysgesyn. vnd sijn huysse. Ist euer dar der zail cleyner is dar niet moich ghenoch sijn eyn lam zo essen. so neem he sijn naburen zo ym. der alre neest is synē huys na der zail der syelen der genoch mach sijn dat lam zo essen. euer it fall sijn eyn lempgijn am vleeckē eyn mengijn vñ icrich. Na der sel ier seden nemet ouck eyne buck vñ behalt yn bis an den vierthē den dach des maends vñ dat sal offeren all die mēnsch der kinder

van israhel zo vesper tijt vñ nomet van dem bloid vnd doet ye vp yeder post vnd vp die durpel da sy dat ni essen sullen vnd sullen essen dat vleysch in der nacht gebraden by dem vuyr. vnd vngesuyt broit mit wilder lactuyck. Esset niet roef dar vps noch esset niet gesoeden in dem wasser sond alleyn gebraden by dem vuyr. Je sult essen dat houft mit dē vuysseu vnd mit dem ingewoyd sult yz verzeren vnd niet brecken eyn beyn dar an. vñ sal da van ouck niet ouerblyuen bys morgen vut wāne euer yet ouer wirt dz broede in dem vuyr. euer also sult yz ye essen. yz sult vze nyeren gurdē vñ schoe an den vuyssen hain vnd hain steeff in den henden vñ essen dat plende. wat it is pafche dat is der durchgang des heeren.

Op dē vuyssen vri dach die passie

